

ادبیات عمومی و سیاسی

هفته‌لق سیاسی ، ادبی ، علمی غزته‌در

جلد : ۳

سنه : ۲ ۱۷ جاذی‌الآخر ۱۳۳۶ جمعه‌ایرتسی ۳۰ مارت ۱۹۱۸ نوسرو ۳۰ — ۶۱

اجمال‌فکار

ادبیاتده تجربه

(ره‌طوریق) دیرلر فرنکجه‌ده برکله وار . بوکا بز کندی دیلمزده طنطنه و دبده
الفاظ دیه‌بیلرز . برطاقم کورولتلی ، پاطریدی سوزلر ، کنایه واستعاره‌لر ، تشبیه‌لر
وسائر ايله حقیقی بوغمو ، مخاطبک شعورینی اویشدیرمق ، آنک برمعادله فکریه
وذهنی‌ده بولونمه‌سنه امکان برافاق .. ایشه ، جمله‌سی بوتعریفه داخل اوله‌بیلیر . قدیم
محررات وادیات ، یالکز بزده دکل ، دنیانک هریرنده وهرملتده بویله ایدی .
بریرده ره‌طوریق ارتکاب ایدلمش ایسه ، ایجه بیلمش اولیکز که اوراده‌هنوز سویه
خلق یوکسه‌لمه‌مشدر . خلق وقارئین صافدرونددر . شوده مجهول قالماسون که ره‌طوریق ايله
مشغول اولانلره (ده‌ماغوغ = عوام‌فریب) عنواتی ویرمکده بیوک برخطا اولماز . بر
انسان فضله ده‌ماغوژی وره‌طوریق ايله اوغراشیرسه‌امین اولیکز که او ، جدیتدن ، تحلیل‌ات
منطقیه‌دن ، حقیقتدن اوزافلاشیر . جداً تکامل ایتمش ملتدرده بوانهماک یاواش یاواش
اکیلیر . هیچ کیمه بویله طبیل و علمله اعلان واشاعه ایدیلن حقائقه عطف اهمیت
ایتمز . حتی ، بعض مجرب ذوات بواسلوبدن قیزارلار بيله . مثلاً برکوزلدن بحث ایدی‌لور .
فرض ایده‌لم که مومی‌الیا کوزل ، علی‌العاده شیرین برقادیندر . یوق ، ره‌طوریق بولسانی

متکلم اولماز ، اوقادین دنیا کوزلیدر . برچوقور موضوع بحث اولیور . بوعلی العاده بر خیره دکل ، غیادر . پایاس ، پایاس دکل ، بر عزیزدر . سوقاق پهلوانی بر قهرماندر . مادیاتده بویله اولدینی کی مجردات ومعنویاتده عینیه بوخسته لغه طوتولمشدر . اوفق بر مخالفت ، بیوک بر فلا کتدر . بر خطا ، بر جنایتدر . الی آخره ... بوذهنیت ، بعض امراض و آلاهی تولید ایدر . بونک صوکی داء الوسوسه در . هر کولکه بر هیولا ، هر سرچه برها ، هر ظن بر خولنا طوغورور .

قدیمده فردوسی طوسی بو چیغیری احداث درجه سنده سوء استعمال ایتشدی . فرنگلرده ده بونک نمونه سنه تصادف اولونور . هله بعض ادوار وعهود واردر که اواثانده ، هریتیشن شاعر و ناثر بوخسته لغه طوتولمشدر . مثلاً [بوسوئه] بی آچیکز : هر وقعه تاریخیه آزیتمشدر . بیوک وغلبه لق سوزلر ایله حادثات روزگار مؤلفک و کلیساسنک ایسته دیکی شکله صوقولمشدر .

ره طوریق بویله بوش برشیئی اولدینی کی حقایقه جامد و صلب بر شکل ویرمک ، حقیقتلری تصنیف ایتک ، شونده شوقدر قول واردر دیمکده محض سفسطه در . حقیقت بر هیولادر . بوکون عقله کلن درت بش ماده کیم بیلیر نه کی مؤثراتک سائقه سیله . تزییر ایدلمشدر . یدی ، سکزماده اوزرینه ، بنای محاکمه ایتک دهشتلی بر طاقلاق آتله سنی موجب اولور . بزم فلاسفه قدیمه شرقده بویله چیقماز سوقاقلره صاپمشلردی . بوخصوصده ایکی ایکی قول وار ! دیه بتون افکار و آرا شمالی مسدود ، جنوبی محدود ، شرقی واهی ، غربی خیالی بر طاقم مناطق ظنیده قالمشلردی . منطق ، بوندن صکره زیاده سیله ترقی ایتدی . صفوت مامه زائل اولدی . غلظت اورته دن قالدی . هر سوزه اینماق موداسی اسکیدی . شدت لسان ، اسراف ایدلمه مهیه باشلانیدی . ایجه بیلندی که پک بالا پروازانه سوزلر سویلک و مدعیانده بولونمق صوک مهماتی صرف و تبذیر ایتک دیمکدر . آنک ایچون محاضره و مناقشه بر اسلوب آلتنه آلمشدر . هیچ کیمسه ، صوک و شدتلی دلیلنی درجنک اول اسراف ایتمز . محاضره ، عادتا شطرنج اویوننه ، عسکر محاربه سنه بکزمه . مناقشه نك دمدارلری ، پیشدارلری ، صاغ ، صول جناحلری ، مرکزی واردر . بونلرک اصول و آداب ، قواعد و تشریفاتده تقرر ایتمشدر . لکن بو قواعد کتابده محرر دکلدر . بونلری اربابی بیلیر . تجربه و تمرین ، ممارسه و ملکه بو قابلیت آر تدریر . بونک ایچوندر که مقتدر و مجرب محرر لرله

ایدیلن غوغالر بر نتیجه حسنه تولید ایتمز . و ، غریبدر ، مبارز و مجاهدلر ، ایرتسی کون ، افکار عمومی و عامه نك حضور لاقیدیسند انکساره محکوم اولورلر .

تجربه دیده ارباب قلمك محاضراتی ایسه بشقه بر لطافت عرض ایدر . کذلک پارلمنتورده ایراد ایدیلن نطقلرکده بویله بر لذتی واردر . قابا سوزلردن ، شتومدن ، اسنادلردن ، چابوق جرح ایدیلرک مطالعاندن ، دشناملردن اثر کورولمز ؛ ایکی پهلوان مصارعه ایدر . نه بری مغلوب اولور ، نه دیکری ... لکن بومصارعه نك صفحاتی تعقیب ایتمک نه خوشدر . الواح متنوعه کوریلور . کونلر طوغار . هوا آچیلیر ، ینه قاپانیر ، تجربه نكده کندینه کوره بر خوش جهتی واردر ، حالبوکه درشت غوغالرك اهمیت در ل زائل اولور . بونلرك بر تأثیری ده اوله ماز . قالانبور ، شدت افاده ، حدت بیان اسکی ادواره عائد وراجعدر . عصری اوله مز لازم ؛ بزمده ادبیات عمومیده بر مقدار تیلکیلشمک کمز اقتضا ایدر . قویون ادبیاتی ناخوشدر . مناقشاتده بر بوی صفوت و سادگی استشام ایدله ملیدر . چونکه زمان وزمین ، هر حالده ، ذهنا معضل شیرلر ایستیور . قره داؤد ایله شیمدی کیم اکتفا ایدر ؟ اسکیدن هر شیئی ساده ایدی . (فولتون) طرفندن احداث ایدیلن ایلک واپورک یلانلرینی کوردیم . نه قدر بسیط شیرلر ! برده (فادرلاند) ه بیندم . امان یاربی نه چاراشیق شیئی ... ادبیاتده ، سیاسیاتده ، مناقشاتده ، حکمیات و فنیاتده هپ بویله ... !

آتی مطبعه سی - ۱۵ مارت ۱۹۱۸

مهول نوری

تورکک منشانه داتر

(قدیم یونانستانده یونان قومی ایله تصالب ایله مش اولان « قوقونلر »)

(قوقون) قومنك (سکی) یعنی تورک اولدیغنی کرک (سترابون) و کرک سترابونك اثرینی ترجمه ایدن (آمده تاردیو) تصدیق ایدر [جلد ۴ : صیفه ۵۲۰] .

بو قدیم قوم حقنده سترابونده موجود اولان مواد بروجهر بیان اولونور :

(اومر) ك اشعارنده دفات ایله ذکر اولونان (قوقونلر) بعده تمامیه نابید اولمش پك قدیم بر قومدر [جلد ۲ : صیفه ۵۸ ، ۴۸۹ ؛ جلد ۳ : صیفه ۵۷ ، ۷۳ ، ۱۸۵ ، ۱۷۹] .